

171
1944



უფასო
საბჭოთაო
გამომცემლობა

საქართველოს სსრ განათლების
სახალხო კომისიის ბრძა-
ნებითა და განკარგულებათა

კრებული

წელიწადი გეგმიდა

№ 3

Сборник приказов и распоряжений
НКПроса Груз. ССР

1944 წ.

F769

შინაარსი

1. წესები მოსწავლეთათვის 3
2. ბრძანება მოსწავლეთა წესების
შესახებ 5
3. მითითებანი მოსწავლეთა დასჯისა და
წახალისების ღონისძიებათა შესახებ 20

ნესკომი მოსწავლე ვალდებულობის

ყოველი მოსწავლე ვალდებულია:

1. გულმოდგინედ და თავგამოდებით ეუფლებოდეს ცოდნას, რომ გახდეს განათლებული და კულტურული მოქალაქე, მოუტანოს ხალხს რაც შეიძლება მეტი სარგებლობა და იყოს სამშობლოს დირსეული შვილი.

2. უყოყმანოდ დაემორჩილოს სკოლის დირექტორისა და მასწავლებლის განკარგულებას, მოკრძალებით და პატივისცემით მოეპყრას დირექტორს, მასწავლებელს და სკოლის სხვა მუშაკებს, შეხვედრისას მიესალმოს მათ თავაზიანად, ამასთან მოსწავლე ვაჟმა მოიხადოს ქუდი.

3. სკოლის დირექტორსა და მასწავლებელს მიმართოს სიტყვებით: „პატივცემულო დირექტორო“, „პატივცემულო მასწავლებლო“, ხოლო რუსულ ენაზე — სახელისა და მამის სახელის წოდებით.

სკოლის მუშაკებს და ყველა უფროსს ელაპარაკოს თქვენობით.

4. იყოს სუფთად, წესიერად ჩაცმული და თმა დავარცხნილი, მოსწავლე ქალს თმა ჰქონდეს დაწული და ბანტით შეჭრული ან შეკრეჭილი.

5. დაუგვიანებლივ ცხადდებოდეს სკოლაში, თან ჰქონდეს საჭირო სახელმძღვანელოები და სასწავლო ნივთები, ესწრებოდეს ყველა გაკვეთილს.

6. ზარის დარეკვისთანავე შევიდეს კლასში და დამკაცოს თავისი ადგილი, გაკვეთილის დროს გამოვიდეს და შევიდეს კლასში მხოლოდ მასწავლებლის ნებართვით.

7. გაკვეთილის დროს იჯდეს სწორად, ახსოვდეს, რომ მერხზე იდევით დაყრდნობა ან გადაწოლა დაუშვებელია, ყურადღებით უს-

მენდეს მასწავლებელს და მოსწავლეთა პასუხს, არ ბაასობდეს და იყოს სხვა საქმით გართული.

8. მასწავლებლის მიერ დასმულ კითხვაზე პასუხის გაცემისას, ან ისეთ შემთხვევაში, როცა სურს თვით შეეკითხოს მასწავლებელს, — ასწიოს მარჯვენა ხელი, პასუხის გაცემის ან შეკითხვის მიცემის დროს სწორად იდგეს და დაჯდეს მხოლოდ მასწავლებლის ნებართვით.

9. ადგეს კლასში სკოლის დირექტორის, მასწავლებლის თუ სხვა უფროსის, შესვლისას და გამოსვლისას.

10. ზუსტად ჩაიწეროს დღიურში, ან განსაკუთრებულ რეგულში საშინაო დავალება და დროულად შეასრულოს იგი.

11. გაუგონოს მშობლებს, დაეხმაროს მათ საოჯახო საქმეებში, მზრუნველობით მოეპყრას თავის უმცროს დებსა და ძმებს.

12. განსაკუთრებული გულისხმიერებითა და თავაზიანობით მოეპყრას მოხუცებს, სუსტებს, ავადმყოფებს, პატარა ბავშვებს, დაუთმოს მათ ცხა, ადგილი, გაუწიოს ყველა შესაძლო დახმარება.

13. იყოს მართალი, გულწრფელი და თავმდაბალი, ზრდილობიანად იქცეოდეს ოჯახში, სკოლაში, ქუჩაში თუ საზოგადოებრივ ადგილებში.

14. სასწავლო მეცადინეობისაგან თავისუფალ დროს იკითხოს წიგნები, აქტიური მონაწილეობა მიიღოს სკოლის მასობრივ-საზოგადოებრივ მუშაობაში.

15. დაიცვას სისუფთავე საკლასო ოთახში, დერეფანში, ოჯახში, ქუჩაში და სხვა ადგილებში, წესრიგში იქონიოს თავისი სამუშაო ადგილი სკოლასა და ოჯახში.

16. გაუფრთხილდეს სკოლის ქონებას, საკუთარსა და ამხანაგების ნივთებს, მოუაროს ტანსაცმელს, ფეხსაცმელს, ლოგინს.

17. უსაქმოდ არ იმყოფებოდეს ქუჩაში, იცოდეს და ზუსტად დაიცვას ქუჩაში მოძრაობის წესები.

18. არ იხმაროს უწმაწური სიტყვები და უხეში გამოთქმები, არ მოსწიოს თამბაქო, არ ითამაშოს ფულზე და ნივთზე.

19. თან იქონიოს მოსწავლის ბილეთი, გაუფრთხილდეს მას, არავის გადასცეს და მოთხოვნისთანავე წარუდგინოს იგი სკოლის დირექტორს, მასწავლებელს, ან ხელისუფლების ორგანოებს წარმომადგენლებს.

20. გაუფრთხილდეს და პატივი სცეს თავისი სკოლის და ეკლესიის ღირსებას.

ამ წესების დარღვევისათვის მოსწავლე ისჯება და შეიძლება სკოლიდანაც გაირიცხოს.

ბ რ ძ ე ნ ე ბ ე

საქართველოს სსრ განათლების სახალხო კომისარიატისადგი

1944 წლის 17 მარტი.

მოსწავლეთა წესების შესახებ

აღვნიშნავ, რომ საქართველოს სსრ დაწყებით, არასრულ საშუალო და საშუალო სკოლებში მოსწავლეთა წესების დანერგვის საქმეში მნიშვნელოვანი წარმატებებია მოპოებული.

ქალ. ქალ. თბილისის, ქუთაისის, ბათუმის, ჯორის, ფოთის, ზესტალონის, ხაშურის, თელავის, ცხაკიას, გურჯაანის, მახარაძის, ლანჩხუთის, სიღნაღის, ქიათურისა და სხვა რაიონების რიგ სკოლაში სათანადოდ შეაფასეს მოზარდი თაობის აღზრდის საქმისათვის მთავრობის მიერ დამტკიცებული მოსწავლეთა წესების დიდი სახელმწიფოებრივი მნიშვნელობა, დააზემეს მასწავლებლობა სკოლის ყოველდღიურ მუშაობაში წესების მტკიცედ დასანერგად და ამ წესების ჩვევად გადაქცევის მიზნით ღონისძიებებს ატარებენ:

ა) განსაკუთრებულ ყურადღებას აქცევენ სკოლის რეჟიმის მტკიცედ დაცვას და ზუსტად ახორციელებენ სკოლის შინაგანაწესს.

ბ) სისტემატურად აძლევენ მოსწავლეებს განმარტებას წესების მნიშვნელობის შესახებ და იმუშავენ მათში წესების თითოეული მუხლის ურყევად შესრულების აუცილებლობის შეგნებას.

გ) წესების მტკიცე ჩვევად გადაქცევის მიზნით, საჭიროების მიხედვით, ავარჯიშებენ მოსწავლეებს წესების შესრულებაში და პირად მაგალითზე უჩვენებენ სიზუსტის, დისციპლინის, ორგანიზებული შრომისა და სიფაქიზის საუკეთესო ნიმუშებს.

დ) მჭიდრო კავშირი აქვთ დამყარებული ოჯახებთან, სისტემატურად

ადევნებენ თვალყურს მოსწავლეთა ქცევას სკოლის გარეთ, აწარმოებენ მშობლებთან პედაგოგიურ მუშაობას და მოსწავლის ყოფაქცევაში შემჩნეული უარყოფითი მოვლენების აღსაკვეთად აქტიურად იყენებენ მშობელთა საზოგადოებრიობას.

ე) მოსწავლეთა წესების ზუსტად გატარებისა და დისციპლინის მტკიცედ დანერგვის ამოცანათა გასახორციელებლად რაზმევენ ყველა მასწავლებელს, ყურადღების გარეშე არ ტოვებენ არც ერთ დეტალს წესების შესრულების საქმეში და იცავენ ერთიანობას მასწავლებლის მხრით მოსწავლეებისადმი წაყენებულ მოთხოვნებში.

ვ) განსაკუთრებულ ყურადღებას აქცევენ მოსწავლეთა ხასიათის ჩამოყალიბებაში კეთილშობილი მიდრეკილების გაღვივებას, რისთვისაც ფართოდ იყენებენ დიდ სამამულო ომში საბჭოთა ხალხის გამიჯნული ბრძოლის, ჩვენი კლასიკური და თანამედროვე ლიტერატურის უმდიდრეს მასალებს.

ზ) მრავალმხრივსა და შინაარსიან მუშაობას ატარებენ მოსწავლეებთან კლასგარეშეც, ეხმარებიან სკოლის გარეშე დაწესებულებებს, კარგად აწესრიგებენ ბავშვებზე ზედამხედველობას მეცადინეობისაგან თავისუფალ დროს და ამ მუშაობას იყენებენ მოსწავლეებში დადებითი ინტერესების გაღვივებისა და სასარგებლო ცოდნისა და ჩვევების გამომუშავებისათვის.

თ) აწყობენ მოწინავე პედაგოგთა გამოცდილების გაზიარებას და ქმნიან მასწავლებლებში სტიმულს სწავლებისა და აღზრდის პრაქტიკაში შემოწმებული ფორმებისა და ხერხების დაუფლებისათვის.

წესების შეუსრულებლობა ამ სკოლების მასწავლებლებში იწვევს გულისტკივილს, ცუდწრფელ აღელვებას, რაც თავის მხრით, დიდ გავლენას ახდენს მოსწავლეებზე და მათში ზრდის მასწავლებლისადმი მოკრძალებასა და პატივისცემას და წესრიგისადმი, დისციპლინისადმი შეგნებულ დამოუკიდებლობას. ამის შედეგად უდისციპლინობის ყოველგვარი გამოვლინება, ერთის შეხედვით უბრალო და უმნიშვნელო, იმთავითვე პოულობს საჭირო გამოხმაურებას.

ასე, მაგალითად, ქ. თბილისის ვაჟთა მე-15 საშუალო სკოლაში დაქვეითებული იყო დისციპლინა, ხშირად ირღვეოდა სასკოლო რეჟიმი, მოსწავლეთა წესების გატარებისათვის სკოლის მიერ მიღებული ღონისძიების შედეგად მოსწავლეები გახდნენ უფრო ზრდილნი, თავაზიანნი

და კულტურული; ამ სკოლაში მინიუმამდე იქნა დაყვანილი ვაცლესა და დაგვიანების შემთხვევები.

ქ. თბილისის ქალთა 31-ე საშუალო და ქ. გურჯაანის საშუალო სკოლებში სრულ წესრიგშია მოყვანილი სასკოლო ოთახები, დერეფნები და კაბინეტები, ყველგანაა დაცული სისუფთავე, მოსწავლეები კარგად უვლიან სასკოლო ქონებას, სუფთად და ფაქიზად ჩაცმული ცხადდებიან სკოლაში, მორიდებითა და ზრდილობიანად მიმართავენ უფროსებსა და მასწავლებლებს და საშინაო დავალებებს უკეთ ასრულებენ.

ქ. თბილისის ვაჟთა მე-17 საშუალო სკოლის მოსწავლეებს შეგნებული აქვთ თავიანთი ვალდებულებანი, მასწავლებლის მეთვალყურეობის გარეშე კარგად იცავენ წესრიგს სკოლაში და ასრულებენ მათზე დაკისრებულ მოვალეობებს. ამ სკოლის მეოთხე კლასში მასწავლებლის ავადმყოფობის გამო ღირექტორმა მისცა დავალება ბავშვებს შემცველი მასწავლებლის მოსვლამდე წყნარად ყოფილიყვნენ და საშინაო დავალება გაემეორებინათ, ისინიც ისხდნენ და მშვიდად მეცადინეობდნენ, მორიგე მოსწავლე მეთვალყურეობას უწევდა მოსწავლეთა ქცევას და წესის დარღვევის შემთხვევაში იძლეოდა შენიშვნას, რასაც ბავშვები უყოყმანოდ ემორჩილებოდნენ.

ქ. ქუთაისის ვაჟთა II საშუალო სკოლაში წესების შემოღებამდე მოსწავლეები იგვიანებდნენ გაკვეთილებზე, ხშირად ჰქონდა ადგილი გაკვეთილებიდან გაპარვას, მასწავლებლების დავალებათა შეუსრულებლობას, ქუჩაში უსაქმოდ ხეტიალს. ამჟამად სკოლაში მდგომარეობა მნიშვნელოვნად გაუმჯობესდა, მოსწავლეები თვითვე კიცხავენ ასეთ საქციელს და გულწრფელად ცდილობენ წესები მტკიცედ შეასრულონ. ქ. ფოთის II საშუალო სკოლის მოსწავლეთა ერთი ნაწილი სისტემატურად არღვევდა სასკოლო რეჟიმს, დასცინოდა და აბუჩად იგდებდა სკოლის დარბაზებს და დამლაგებლებს. ამტკრევდა მანებს, სკოლაში დადიოდა უსუფთაოდ, უწიგნოდ. სკოლის ცხოვრებაში წესების დანერგვის შედეგად, ამ მოსწავლეებში მნიშვნელოვანი გარდატეხა მოხდა. ისინი თავაზიანად ეპყრობიან უფროსებს, არიან სუფთად ჩაცმული, დაუგვიანებლივ ცხადდებიან სკოლაში, არ აცდენენ გაკვეთილებს და უკეთესად სწავლობენ. გორის I და II საშუალო სკოლებში გასულ წელს მოსწავლეთა ერთი ნაწილი უხეშად ეპყრობოდა ამხანაგებს, გაკვეთილებს ცუდად ამზადებდა, ზოგი მათგანი თამბაქოსაც ეწეოდა. ასევე, ჩხარის პირველი საშუა-



ბო სკოლის მოსწავლეები ხელს უშლიდნენ, მასწავლებლებს გაკვეთილებზე, მედიდურობდნენ, უწმაწური სიტყვებით მიმართავდნენ ამსგვსებს; იყო შემთხვევა, რომ ზოგიერთი მათგანი ლოთობდა კიდევ. იმ გარემოების გამო, რომ წესების გატარების საქმეს ამ სკოლებში პედაგოგთა კოლექტივებმა მტკიცედ მოჰკიდეს ხელი, მდგომარეობა საგრძნობლად გუამჯობესდა, მოსწავლენი ლავაზიანად ეპყრობიან უფროსებს, გაკვეთილებზე არ იგვიანებენ და უკეთაც სწავლობენ.

ამ წარმატებათა მიუხედავად, მოსწავლეთა შორის წესების დანერგვის საქმეში რესპუბლიკის სკოლებში ჯერ კიდევ არადაამკმაყოფილებელი მდგომარეობაა.

ზოგიერთი განათლების განყოფილებისა და სკოლის მუშაკებმა მოსწავლეთა წესების მნიშვნელობა ვერ გაიგეს. მოზარდი თაობის ცხოვრებისა და ქცევის მოწესრიგების ამ დიდი მნიშვნელობის სახელმწიფოებრივ პროგრამაში მათ დაინახეს სკოლაში მანამდე არსებული შინაგანაწესის უბრალო გარემოება, ფორმალურად და ზერელედ ეკიდებიან მისი გატარების საქმეს და კმაყოფილდებიან მათი მხოლოდ კლასებში წაკითხვითა და კედლებზე გაკვრით.

ზოგიერთ სკოლაში ხშირად ირღვევა შინაგანაწესი, არაა მოვლილი სკოლის შენობა და კარ-მიდამო, უსუფთაოა საკლასო ოთახები, დერეფნები, სასკოლო დგამ-ავეჯი, სასწავლო მოწყობილობა; წესების მტკიცედ დანერგვისათვის ერთიანად არ არიან დარაზმულნი მასწავლებლები, მათ მიერ ამ მიმართულებით წარმოებული მუშაობა ეპიზოდურ, ზერელე, შემთხვევით და მხოლოდ სიტყვიერ ხასიათს ატარებს. ხშირ შემთხვევაში სკოლები კმაყოფილდებიან მშრალი ადმინისტრაციული ზემოქმედების ზომების მიღებით.

ზოგიერთ სკოლაში იმდენად შეეგუენ უდისციპლინობასა და უწესრიგობას, რომ მოსწავლეთა მიერ დისციპლინის უხეშად დარღვევა, — გაკვეთილზე დაგვიანება, გაკვეთილიდან გაპარვა, უსუფთაოდ მოსვლა, გაკვეთილზე ქუდით ჯდომა, უფროსებისა და ამხანაგებისადმი უხეში დამოკიდებულება და სხვა, — შეუმჩნეველი რჩებათ. ამ სკოლებში არ არსებობს სიმკაცრე მოთხოვნებში, არ არის მოსწავლეებში აღზრდილი სკოლის ღირსებისადმი პატივისცემა; ბევრს ლაპარაკობენ დისციპლინის შესახებ და ძალზე ცოტას აკეთებენ დისციპლინის განმტკიცებისათვის. ნაკლებ ყურადღებას აქცევენ სწავლების ხარისხის გაუ-



მკობესებას, ხათანადოდ არ ემზადებიან გაკვეთილებისათვის, არამედ მეზენ საშინაო დავალებების შესრულებას, არ ასწორებენ წერით ნამუშევრებს და ამით ხელს უწყობენ მოსწავლეებში მოვალეობისადმი უპასუხისვებლო და უღარდელი განწყობილების შექმნას.

ასე, მაგალითად, ქ. თბილისის ვაჟთა V (დირექტორი ბადალიანი), ქალთა 23-ე (დირექტორი ლ. მელაძე), გორის IV (დირექტორი ძველიაი), ზუგდიდის V (დირექტორი ქარჩავა), ქალაქის (დირექტორი ა. გვიჩია), გორის რ. სოფ. ხიდისთავის (დირექტორი მ. მუკნიაშვილი), ქ. ფოთის III (დირექტორი აბულაძე), ქ. ქუთაისის ვაჟთა I (დირექტორი გაჩეჩილაძე), ქ. ბათუმის ვაჟთა II (დირექტორი ალ. დარჩია) და სხვა საშუალო სკოლების მოსწავლეთა ერთი ნაწილი არ ასრულებს წესებს სწავლისა და მოსწავლეთა ვალდებულების შესახებ, არ იბრძვის იმისათვის, რომ გახდეს მცოდნე და კულტურული, ბეჯითი და შრომისუნარიანი, უპასუხისმგებლოდ ეკიდება მოსწავლელის მიერ მიცემული დავალებების შესრულების საქმეს, არ ამზადებს გაკვეთილებს, დაგვიანებით ცხადდება სკოლაში და თან არ მოაქვს წიგნი, მელანი და სხვა საჭირო სასწავლო ნივთები. ზუგდიდის V საშუალო სკოლაში მათემატიკის გაკვეთილზე (მასწ. ქარჩავა) მოსწავლეებს წერისათვის არ აღმოაჩნდათ საჭირო სასწავლო ნივთები. — მელანი, კალმისტარი, რვეული, — მოუხედავად იმისა, რომ ისინი გაფრთხილებულნი იყვნენ, ამის გამო წერა ჩაიშალა. ასევე ჩაიშალა წერა ქ. თბილისის ქალთა 23-ე საშუალო სკოლის მე-10 კლასში ინგლისურ ენის გაკვეთილზე, რადგან არც ერთ მოსწავლეს არ გააჩნდა სამეღწე და კალმისტარი. ქალაქის საშუალო სკოლაში მოსწავლეთა დიდი ნაწილი საშინაო დავალებებს არ ასრულებს. 14 თებერვალს მე-4 კლასის 31 მოსწავლიდან გეოგრაფიაში არც ერთმა არ იცოდა გაკვეთილი. ასევე, გორის IV სკოლის მე-7 და მე-8 კლასის ბევრი მოსწავლე არ ამზადებს გაკვეთილებს. გარდა ამისა, დასახელებულ სკოლებში ადგილი აქვს გაკვეთილებზე ხმაურს, კარნახს, მერხზე გადაჯდომას, წამოძახილს — „მას“, „მას“, ზეზე წამოხტომას; გაკვეთილიდან უნებართვოდ გასვლისა და გაკვეთილიდან გაპარვის ხშირ შემთხვევებს.

თბილისის რ. სოფ. დიდმის (დირექტორი ტყაბლაძე), ყარაიას რ. სოფ. კესალინის (დირექტორი ა. ალიევი), მცხეთის რ. სოფ. წილკაანის (დირექტორი თოდაძე), გალავნის (დირექტორი კუპრიაშვილი), ბოლნისის



(დირექტორი ი. ჟვანია), კასპის რ. სოფ. სამთავისის არასრულ სამუშაო (დირექტორი მცხვეთაძე) და სხვა სკოლებში არ ხორციელდება წესების მუხლები სისუფთავისა და ჰიგიენის დაცვის შესახებ. ამ სკოლების საკლასო ოთახები და ღერეფნები დანაგვიანებულია და დატალახიანებული, ფანჯრები და კედლები დასვრილი და დამტვერილი. მოსწავლეები არ ზრუნავენ სასწავლო ნივთების სიკუფთავეზე. ბევრი მათგანი თვითაც უსუფთაოა. ბოლნისისა, გაღაცისა, ღუშეთისა და სხვ. საშუალო სკოლებში მერხები და მაგიდები დასვრილ-დატალახიანებულია, მოსწავლეთა თვალსაჩინო ნაწილი სკოლაში ცხადდება. თმა გაუკრეჭელი, ხელპირ დაუბანელი, გოგონები უბანტოდ, თმა გაწეწილი. სოფ. გურჯაანის საშუალო სკოლის მე-9ა კლასში 19 მოსწავლე ქალიდან, 4 მარტს, 13 მოსწავლე ქალს თმა არ ჰქონდა დავარცხნილი და ბანტით შეკრული.

ღუშეთის საშუალო (დირექტორი ე. მოსიაშვილი), ქ. ცხაკაიას II და III საშუალო (დირექტორები: ქუთათელაძე და კემელავა), ზესტაფონის II და III საშუალო (დირექტორები: ს. გოგოლაძე, ი. სამხარაძე), ქ. თბილისის ვაჟთა I (დირექტორი ბიბილეიშვილი), თელავის რ. სოფ. ახმეტის (დირექტორი ვ. ხავთასი), კასპის საშუალო (დირექტორი ხაფავა) და სხვა სკოლებში არ სრულდება წესები სკოლის ქონებისადმი ფრთხილი დამოკიდებულებისა და საკუთარი და ამხანაგების ნივთების მოვლის შესახებ; ღუშეთის საშუალო სკოლის მოსწავლეები შემას საკლასო ოთახებშიც აპობენ. დასახელებული სკოლების მოსწავლეთა ერთი ჯგუფი სისტემატურად ამტვრევს დაფას, მაგიდას, მერხებს, ზევს რუკებს, ჩარჩოს აცლის სურათებს, უდიერად ეპყრობა საკუთარ და ამხანაგების სასწავლო ნივთებს და დანით სჭრის მერხების ზედაპირს. ზესტაფონის II და III საშუალო სკოლების მოსწავლეთა უმრავლესობას არც ერთი ახალგამოცემული წიგნი არ ჰქონდა წესიერად მოვლილი, ხოლო ზოგი წიგნი ისეა გაფუჭებული, რომ მისი გამოყენება შეუძლებელია. ქ. თბილისის პირველი საშუალო სკოლის უფროსი კლასების ოთხი მოსწავლე იქამდეც მივიდა, რომ სკოლის ამხანაგს ქუდი წართვა და ბაზარზე გაჰყიდა.

წულუკიძის I საშუალო (დირექტორი გ. კვანტალიანი), კასპის რ. სოფ. მეტეხის (დირექტორი ხარებავა), ქ. თბილისის ვაჟთა 25-ე (დირექტორი ჯ. ჯორჯიკია), ქ. ქუთაისის ვაჟთა VIII (დირექტორი ბ. გვეტაძე),



და სხვა საშუალო სკოლების მოსწავლეთა ერთი ნაწილი არ ახერხებდა წესებს ქუჩაში და საზოგადოებრივ ადგილებში მათი ქცევის შესახებ, ხშირად უსაქმოდ ხეტიალობს ქუჩებში, ეწევა თამბაქოს, უწამაწური სიტყვებით მიმართავს გამვლელ-გამომვლელთ, უდროოდ დროს დადის კინოებში, თეატრებში სექტაკლებზე და სხვა სანახაობებზე. წულუკიძის I საშუალო სკოლის მოსწავლეთა ერთი ჯგუფი არ დაუშვებს თეატრში სექტაქლზე, მოსწავლეებმა შეურაცხყოფა მიაყენეს მეკარეს, ძალიან დაამტვრიეს კარები და დაზიანებულნი შეიჭრნენ. მოსწავლეების ასეთმა საქციელმა დამსწრეთა თვალში დასცა სკოლის ავტორიტეტი.

ქ. თბილისის ვაჟთა მე-20 (დირექტორი პ. ბლუაშვილი), ახალციხის III სომხური (დირექტორი სარაჯევი), ქ. თბილისის ვაჟთა V, წულუკიძის I, თეთრი წყაროს რ. სოფ. დაღეთის (დირექტორი გ. სარქიანიანი), ყარაიზის საშუალო (დირექტორი—გაჯიევი), ჭიათურის რ. სოფ. მანდაედის საშუალო (დირექტორი დოღონაძე), გორის რ. სოფ. ხიდის თავის არასრული საშუალო და სხვა სკოლებში მოსწავლეები უხეშად არღვევენ წესებს მასწავლებლებისა, ხელმძღვანელებისა და უფროსებისადმი დამოკიდებულების შესახებ. ამ სკოლების მოსწავლეთა ერთი ჯგუფი მასწავლებლებს და უფროსებს არ მიმართავს თავზიანად და მორიდებით. ხშირად არ ასრულებს დირექტორებისა და მასწავლებლების განკარგულებებს, უხეშად და მოურიდებლად ქეპრობა მათ. ქ. თბილისის ვაჟთა მე-20 საშუალო სკოლის მე-6 კლასის მოსწავლეებს რუსული ენის გაკვეთილებზე წიგნები ჰქონდათ გაშლილი. მასწავლებლის განკარგულებას წიგნების დახურვისა და შენახვის შესახებ არ დაემორჩილა რამდენიმე მოსწავლე და მასწავლებელს შეელაპარაკა. იმავე გაკვეთილზე დავა ატყდა იმის შესახებ, თუ მორიგე ვინ უნდა ყოფილიყო კლასში. მოსწავლეების მიმართ მასწავლებლის მოწოდებამ წესრიგისაკენ არ იმსახურა და დავამ რამდენიმე წუთი წაიღო. ქ. თბილისის ვაჟთა V საშუალო სკოლის მე-9 კლასის ერთი მოსწავლე დირექტორის განკარგულებით გაკვეთილზე არ უნდა შესულიყო კლასში, მასწავლებელმა ამ მოსწავლეს მოაგონა დირექტორის განკარგულება კლასიდან გასვლის შესახებ, ის არა მარტო არ დაემორჩილა მასწავლებელს, არამედ ფეხზედაც არ წამომდგარა. ახალციხის III სომხური საშუალო სკოლის მოსწავლეთა ერთმა ჯგუფმა უხეში სიტყვებით მიმართა მასწავლებელს, აურზაური ასტეხა მეცადინეობის დროს და გაკვეთილი ჩაშალა.



ყარაიაზის აზერბაიჯანული საშუალო სკოლის მეშვიდე კლასის ერთმა მოსწავლემ მასწავლებელს თავზე გადაახია სახელმძღვანელო იმისათვის, რომ მასწავლებელმა მას ორი დაუწერა; მანდაეთის საშუალო სკოლის ზოგი მოსწავლე ზედმეტ სახელებს არქმევს მოხუცებს, ქუჩაში მისდევენ და დასციინიან მათ.

არის ისეთი შემთვევებიც, რომ სკოლის დირექტორის უდარდულობისა და უპასუხისმგებლობის შედეგად სკოლის მუშაკებს წესების შესახებ მხოლოდ ზერელე, ბუნდოვანი წარმოდგენა აქვთ. თბილისის რაიონის დ. ავქალის ქართულ საშუალო სკოლის მე-7 და მე-8 კლასებში მოსწავლეთა წესების პროექტიც იყო ვაკრული და დამტკიცებული წესებიც, ხოლო მცხეთის რაიონის სკოლების უმეტეს ნაწილში წესები კლასებში ისე მადლდა ვაკრული, რომ არა თუ ბავშვი, მასწავლებლებიც ვერ ახერხებენ მის წაკითხვას.

ზემოხსენებული სკოლების დირექტორები და სასწავლო ნაწილის გამგეები დისციპლინის დარღვევისა და მოსწავლეების მხრივ მათზე დაკისრებული მოვალეობის შეუსრულებლობის ამ აღმაშფოთებელ ფაქტებს დამშვიდებით უყურებენ და კმაყოფილებიან მასწავლებლების „ინფორმაციებით“, არ უწევენ მათ ხელმძღვანელობასა და კონტროლს მუშაობაში, არ ამოწმებენ მოსწავლეების მიერ წესების პრაქტიკულად შეთვისების მიმდინარეობის საქმეს, არაღამაკმაყოფილებელ მუშაობას ეწევიან მშობელთა შორის და არ ატარებენ კონკრეტულ ღონისძიებებს წესების დანერგვის საქმეში არსებულ ჩამორჩენათა გამო-სასწორებლად.

მოსწავლეთა წესები წარმოადგენს უდიდესი სახელმწიფოებრივი მნიშვნელობის დოკუმენტს. მისი ზუსტად გატარების გარეშე შეუძლებელია კულტურული, მკოდნე, შრომისმოყვარე, გამრჯე, ხალხისათვის თავდადებული და მისი ინტერესებისათვის შეგნებული მეტროპოლის, ჩვენი ქვეყნის ღირსეული და სასახელო შვილების, მგზნებარე პატრიოტების აღზრდა.

ეთელი, რომ სასკოლო ცხოვრებაში წესების დანერგვა და მოსწავლეთათვის მათი ჩვევად გადაქცევა შეიძლება მიღწეულ იქნეს არა ერთ-ბაშად, დაკვრითი წესით, — არამედ სკოლის მუშაკების მხრით ხანგრძლივი, დაძაბული, დატულავი მუშაობით და მოზარდი თაობის აღზრდის საქმის ღრმა სიყვარულის შედეგად, **ვ ბ რ ძ ა ნ ე ბ:**



დაწყებითი, არასრული საშუალო და სკოლების დირექტორებმა (გამგებმა) მოსწავლეთა მიერ წესების საუკეთესოდ ცოდნის მისაღწევად და ამ წესების მტკიცე ჩვენებად გადაქცევის მიზნით:

ა) თვალსაჩინოდ, იასაგებად, შესაფერი მაგალითების საფუძველზე მისცენ განმარტებანი მოსწავლეებს წესების ცალკე მუხლების მნიშვნელობის შესახებ და ჩანერგონ ბავშვებში შეგნება, რომ ამ წესების უნაკლოდ შესრულების გარეშე ისინი შეუძლებელია გახდნენ მცოდნე და კულტურული, შრომისუნარიანი, ხალხისათვის თავდადებული და მისი ინტერესებისათვის შეგნებულად მებრძოლი, ჩვენ ქვეყნის ღირსეული და სსახელო ადამიანები.

ბ) უმცროსი კლასების მოსწავლეებს წესები გააცნონ თანდათანობით: მოუთხრონ მათ იმის შესახებ, თუ როგორ უნდა იქცეოდნენ ისინი სკოლაში, ოჯახში, ქუჩასა და საზოგადოებრივ საკრებულო ადგილებში, როგორ უნდა ეპყრობოდნენ მოხუცებულებს, მათზე უფრო პატარებს, ფიზიკურად სუსტებს, საკუთარ ამხანაგებს და სხვა.

გ) უმცროსი კლასების მოსწავლეებს ყოველ გაკვეთილზე მოსთხოვონ წესების ისეთი მუხლების მტკიცედ შესრულება, როგორიცაა — მისალმება, ხელის აწევა პასუხისათვის, წესიერად დგომა პასუხის გაცემის დროს და სხვ. და მათი სათანადოდ შეთვისების მიზნით საჭიროების შემთხვევაში ჩაატარონ მოსწავლეებთან პრაქტიკული ვარჯიშობანი.

დ) ზუსტად დაიცვან სასკოლო რეჟიმი და განამტკიცონ შრომის დისციპლინა, დაწესებული დროის მიხედვით დაიწყონ და დაამთავრონ მეცადინეობა. სუფთად იქონიონ სკოლის ყველა კუნჭული; თავის ადგილი მიუჩინონ სკოლაში ყველა ნივთს; მიიღონ წინასწარი გამაფრთხილებელი ღონისძიებანი, რათა სკოლის შინაგანაწესი განუხრელად ტარდებოდეს.

ე) მტკიცე და მაღალი მოთხოვნები წაუყენოს მოსწავლეებს, მიღწიონ იმას, რომ მომზადებულად და თვალსაჩინოდ ჩატარდეს თითოეული გაკვეთილი, სისტემატურად და ობიექტურად შემოწმდეს მოსწავლეთა ცოდნა, გულდასმით და თავის დროზე გასწორდეს წერითი ნამუ-



შევრები, მოსწავლეებს გარკვეული საშინაო დავალებები ეძლეოდნენ და იმგვარად ხდებოდა მათი დატვირთვა, რომ არ ჩიებოდეთ თავი სუფთალი დრო უქმად ყოფნისათვის, ქუჩაში ხეტიალისათვის.

ვ) მოსწავლეებისადმი მიღვდომის დარგში დაამყარონ მტკიცე ერთიანობა. მკაცრი მოთხოვნა წაუყენონ მოსწავლეებს წესების შესრულების საქმეში, წესების დარღვევის არც ერთი წვრილმანი შემთხვევა არ დასტოვონ ყურადღების გარეშე და წესებს დამრღვევთა მიმართ გამოიყენონ მოსწავლეთა დასჯისა და წახალისების შესახებ არსებული მითითებებით გათვალისწინებული სათანადო ზომები.

ზ) გააძლიერონ მოსწავლეებელთა მეთვალყურეობა უღისციპლინო მოსწავლეთა მიმართ, საფუძვლიანად შეისწავლონ მათი ყოფა-ცხოვრება, სწავლის პირობები, ინდივიდუალური თავისებურებანი, მიღრეკილება, განწყობილებანი. მათი გამოსწორებისათვის გამოიყენონ პედაგოგიური ზემოქმედების ყველა საჭირო საშუალებანი და ვადაჭრით აღკვეთონ უღისციპლინობის შემთხვევები.

თ) მიაღწიონ იმას, რომ მოსწავლეები დაუგვიანებლად ცხადდებოდნენ სკოლაში, ცაკვეთილებზე ყურადღებით უსმენდნენ მოსწავლეებებს და მოსწავლე ამხანაგების პასუხებს, ბეჯითად მუშაობდნენ, თავის დროზე, წესიერად და დამოუკიდებლად ასრულებდნენ საშინაო დავალებებს.

ი) უზრუნველყოთ საკლასო ყურნალებში ცაკვეთილებზე მოსწავლეთა დასწრების ყოველდღიური ზუსტი აღრიცხვის წარმოება და შეფასების ნიშნების ჩაწერა. მოსწავლეები, რომლებიც დაიგვიანებენ ცაკვეთილზე, დაშვებულნი უნდა იქნენ კლასში მხოლოდ დირექტორის (გამგის) ან მისი შემცვლელი პირის ნებართვით.

კ) მეცადინეობის გაცდენის შემთხვევაში მოსწავლეს მოსთხოვონ ცნობა გაცდენის შესახებ. სასწავლო მეცადინეობის გაცდენის საპატიო მიზეზად მხოლოდ მოსწავლის ავადმყოფობა, ოჯახში ინფექციური დაავადებანი, მიიმე ავადმყოფი ოჯახის წევრის მოვლა და სამიმოსვლო საშუალებათა შეწყვეტა ჩასთვალონ.

გაკვეთილის უმიზეზოდ თუქლაც ერთხელ გაცდენისათვისაც კი დაადვან მოსწავლეს სათანადო სასჯელი.

ლ) განუმარტონ მოსწავლეებს და მათ მშობლებს, რომ მეცადინეობის გაცდენის შემთხვევაში მოსწავლე ვალდებულია გაიგოს მასწავ-

ლებლის მიერ კლასისათვის მიცემული სასწავლო დავალება და ნად შეასრულოს იგი.

მ) მოაწესრიგონ მასწავლებელთა და მოსწავლეთა მორიგეობა სკოლაში დასვენების დროს; დააწესონ ზედამხედველობა მოსწავლეებზე სწავლის დაწყებამდე, დასვენების პროცესში მოაწყონ მათთან თავისუფალი მოძრაობა თამაში, საინტერესო ამბების თხრობა, საუბრები — კარგ ამინდში სასკოლო მოედანზე, ხოლო ცუდი ამინდის პირობებში — დერეფნებსა და დარბაზებში; დასვენების ჩატარების დროს აღკვეთონ ხმაურობა და ღრიანცელი.

ნ) განუმარტონ მოსწავლეებს სისუფთავის დაცვის აუცილებლობა სკოლასა და ოჯახში. სკოლის ექიმის საშუალებით მოსწავლეთა შორის ხშირად ჩაატარონ საუბრები იმის შესახებ, თუ რა ზისანი მოაქვს ადამიანის ჯანმრთელობისათვის უსუფთაობას და გაატარონ ყველა გამაფრთხილებელი ღონისძიებანი, როგორც მოსწავლის პირადი ჰიგიენის, აგრეთვე სკოლაში სისუფთავის დაცვის უზრუნველყოფად.

ო) სისტემატურად მოაწყონ მოსწავლეთა შორის საუბრები ქუჩებში მოძრაობის წესების დაცვის შესახებ, საუბრების მასალად გამოიყენონ შესაფერი მოთხრობები და ლექსები; მკაფიო მაგალითებზე უჩვენონ მოსწავლეებს, თუ რა საზიანო და სამწუხარო შედეგები მოსდევს თან ქუჩაში მოძრაობის წესების დარღვევას.

პ) სათანადო ყურადღება მიაქციონ კლასგარეშე მუშაობას. ფართოდ გაშალონ კლასგარეშე კითხვა. ზუსტად განსაზღვრონ წრეების მუშაობის დრო და ხანგრძლივობა, მტკიცედ დაიცვან იგი და არ დაუშვან ბავშვთა გადატვირთვა.

განუხრელად განახორციელონ საქართველოს სსრ განსახკომის 1944 წლის 9 თებერვლის ბრძანება „კინო-სურათებსა, თეატრების სპექტაკლებსა, კონცერტებსა და სხვა საინფორმაციოებზე 16 წლისა ასაკამდე მოსწავლეთა დასწრების წესის შესახებ“.

ჟ) დაამყარონ ურთიერთობა სკოლის გარეშე და დაწესებულებებთან (ბავშვთა ტექნიკურ სადგურებთან, კლუბებთან, პარკებთან), ყოველმხრივ შეუწყონ ხელი ამ დაწესებულებების სათანადო წრეებში მოსწავლეთა ჩაბმას მათი ნიჭისა, მისწრაფებებისა და უნარის მიხედვით, მაგრამ ისეთ მოსწავლეებს, რომლებიც ჩამორჩენილნი არიან სწავ-

ლაში და სისტემატურად ვერ ასრულებენ სკოლის დავალებებს, ძალონ წრეებში მუშაობა მანამ, სანამ არ გამოსწორდებიან.

რ) მკიდრო კავშირი იქონიონ მოსწავლეთა მშობლებთან, საფუძვლიანად გააცნონ მათ მოსწავლეთა წესები; ცალკე კლასების მძებრებით თვეში ერთხელ მაინც მოიწვიონ მშობელთა კრება, განიხილონ მათთან მოსწავლეთა მიერ საშინაო დავალებათა შესრულებისა და ამასთან დაკავშირებით ოჯახში ბავშვებზე ზედამხედველობის გაძლიერების საკითხები. დასახონ ამ მიმართულებით ღონისძიებანი და მათი შესრულების უზრუნველსაყოფად საქმიანი დახმარება აღმოუჩინონ მშობლებს.

ს) აღზრდის თეორიის საკითხების ღრმად დაუფლებისა და მოსწავლეთა წესების გატარების საქმეში საუკეთესო მიღწევების დანერგვის მიზნით, მოაწყონ პედაგოგიური უზრუნველ-გაზრდების კითხვა, მოხსენებანი, საუბრები და ამ მუშაობაში ყველა მასწავლებელი ჩააბან.

ტ) მტკიცე მოთხოვნები წაუყენონ მასწავლებლებს მოსწავლეთა წესების პრაქტიკულად დანერგვის დარგში მათზე დაკისრებული მოვალეობის შესრულების საქმეში, დააწესონ მათ მუშაობაზე ყოველდღიური კონტროლი და გაზარდონ და აამაღლონ მასწავლებელთა პასუხისმგებლობა ამ მხრივ.

უ) მოისმინონ პედაგოგების სხდომებზე კლასის ხელმძღვანელთა და მასწავლებლების თვითანგარიში წესების დანერგვის შესახებ და დასახონ კონკრეტული ღონისძიებანი ამ დარგში შემჩნეული დეფექტების გამოსასწორებლად.

§—2.

დაევალის განათლების განყოფილებათა გამგეებს:

ა) ყოველმხრივი დახმარება გაუწიონ სკოლებს მოსწავლეთა წესების გატარების დროს წამოჭრილი სიძნელების გადალახვის საქმეში. გამოავლინონ წესების გატარების მხრივ მოწინავე სკოლები, დირექტორები, სასწავლო ნაწილის გამგეები და მასწავლებლები და ფართოდ დანერგონ მათი გამოცდილება.

ბ) პედაგოგიური კაბინეტების მეთოდისტებისა და მოწინავე მასწავლებელთა მეშვეობით მოაწყონ სკოლის მუშაკთათვის, — განსაკუთრებით ახლად დამწყებ მასწავლებელთათვის, კონსულტაციები, საუბრები, მოხსენებანი მოსწავლეთა წესების გატარების შესახებ, გააცნონ მასწავ-



ლებლებს მოწინავეთა გამოცდილება და პრაქტიკული დახმარება მათ, რათა ეს გამოცდილება გადატანილი და დანერგილი იქნეს სასკოლო მუშაობაში.

გ) მკაცრი კონტროლი დააწესონ სკოლების მუშაობაზე და გაზარდონ სკოლის მუშაკთა პასუხისმგებლობა მოსწავლეთა წესების პრაქტიკულად დანერგვის ჯარგში; იმ დირექტორებს, სასწავლო ნაწილის გამგეებსა და მასწავლებლებს, რომლებიც იჩენენ უმოქმედობას სკოლაში მოსწავლეთა წესების გატარების საქმეში, დაადგან სათანადო სასჯელი.

დ) განსახკომის წინაშე დასვან საკითხი იმ დირექტორებისა, სასწავლო ნაწილის გამგეებისა და მასწავლებლების მოხსნის შესახებ, რომლებიც მიცემული მითითებებისა და დადებული სასჯელის შემდეგაც არ გამოსწორდებიან, თავს ვერ ართმევენ მუშაობას და სკოლაში დისციპლინის განმტკიცების საქმეს უღარდელად ეკიდებიან.

§—3.

დაევალოს ქ. თბილისის ამხანაგ ბერიას სახელობის პიონერთა და მოსწავლეთა სასახლის, პიონერთა და მოსწავლეთა სახლების, კლუბებისა, ბავშვთა ტექნიკური სადგურებისა და სკოლეს გარეშე მუშაობის სხვა დაწესებულებათა დირექტორებს, იმგვარად წარმართონ საქმე, რომ ბავშვთა შორის მუშაობა ამ დაწესებულებებში ხელს უწყობდეს მოსწავლეებში წესების კიდევ უფრო ღრმად დანერგვასა და განმტკიცებას, რისთვისაც:

ა) საფუძვლიანად გააცნონ მოსწავლეთა წესები სკოლის გარეშე დაწესებულებათა მუშაკებს (კაბინეტის სექტორების გამგეებს, წრეების ხელმძღვანელებსა და სხვა) და მისცენ მათ განმარტებანი ამ წესების განუხრელად გატარების დიდი სახელმწიფოებრივი მნიშვნელობის შესახებ.

ბ) მტკიცედ დაიცვან სკოლის გარეშე დაწესებულებებისათვის დადგენილი რეჟიმი, სრული წესრიგი და სისუფთავე დაამყარონ კაბინეტებში, სახელოსნოებში, დარბაზებში, დერეფნებში; ზუსტად დაწესებულ დროს აწარმოონ საწრეთ მუშაობა და არ დაუშვან ბავშვთა გადატვირთვა.

გ) მჭიდრო კავშირი იქონიონ დაწყებით, არასრულ საშუალო და



საშუალო სკოლებთან და სკოლის გარეშე დაწესებულებების მუშაობაში ფართოდ ჩააბან გამოცდილი პედაგოგები.

დ) დარაზმონ სკოლის გარეშე დაწესებულებების ყველა მუშაკი, ერთიანი მოთხოვნები წაუყენონ ბავშვებს და უზრუნველყონ სკოლის გარეთ ბავშვთა ქცევის შესახებ წესებში მოცემული მუხლების ზუსტად განხორციელება.

§—4.

დაევალოს დაწესებითი და საშუალო სკოლის სამმართველოს:

ა) არასრულ საშუალო და საშუალო სკოლების მე-5—10 კლასებს მოსწავლეთათვის გამოსცეს „მოსწავლეთა ბილეთი“ ქართულ და რუსულ ენებზე და პირველ რიგში ამ ბილეთებით დააკმაყოფილოს ქ. თბილისის, ქუთაისის, ბათუმისა და სოხუმის სკოლები.

ბ) საჭირო რაოდენობით დაბეჭდოს ქართულ, რუსულ, სომხურ და აზერბაიჯანულ ენებზე მოსწავლეთა წარმატების მოწმობები, რომელთა მეოთხე გვერდზე მოათავსოს „წესები მოსწავლეთათვის“.

გ) მოსწავლეთა წესების დაბეჭდვა მომავალში აწარმოოს აგრეთვე რვეულების უკანა გარეკანზედაც.


დ) სისტემატურად შეისწავლოს ამ ბრძანების შესრულების მიმდინარეობა სკოლებში და მიიღოს საპირო ზომები ამ დარგში არსებული ნაკლოვანებების აღმოსაფხვრელად.

§—5.

პედაგოგიურ მეცნიერებათა ინსტიტუტმა დაამუშაოს და გამოსცეს მეთოდური ხასიათის წერილების სერია მოსწავლეთა წესების პრაქტიკულად განხორციელების საკითხებზე. შეადგინოს და გამოსცეს აგრეთვე მონოგრაფიები მოსწავლეთა წესების გატარების დარგში საუკეთესო სკოლისა და მასწავლებლის მუშაობის შესახებ.

§—6.

მასწავლებელთა დახელოვნების ინსტიტუტმა რაიონებსა და ქალაქებში მასწავლებელთათვის მოაწიოს საუბრები, ლექციები, კონსულტაციები მოსწავლეთა წესების შესახებ და ადგილებზე მასწავლებლებს გაუწიოს დახმარება წესების პრაქტიკულად გატარების საქმეში.





დაევალოს საბავშვო ლირერატურის გამომცემლობის დირექტორს შეარჩიოს და გამოსცეს ბავშვთათვის ისეთი პატარა მოთხრობები, პოემები და ლექსები, რომლებიც:

- ა) გააძლიერებენ მოსწავლეებში სწავლისადმი სიყვარულსა და ინტერესს;
- ბ) აღძრავენ მათში სამშობლოსადმი თავდადების, სოციალისტური ქონებისადმი შეგნებული დამოკიდებულების, მეგობრობის, პატარა ბავშვებისადმი მზრუნველობისა და მოხუცებისა, ავადმყოფებისა, ფიზიკური დეფექტის მქონე ადამიანებისადმი თავაზიანი დამოკიდებულების გრძნობებს;

გ) ხელს შეუწყობენ მოსწავლეებში ქუჩაში მოძრაობის წესებში დაცვისა და საკრებულო ადგილებში წესიერად ქცევის სათანადო ჩვევის გამომუშავებასა და განმტკიცებას.

წინადადება მიეცეს განათლების განყოფილების გამგეებსა და სკოლის დირექტორებს (გამგეებს):

- ა) აწლის 1 აპრილამდე უზრუნველჰყონ ამ ბრძანების ყოველმხრივი გაცნობა მოსწავლეებლათვის.
- ბ) ამავე ვადაში ამ ბრძანების შესაბამისად გამოარკვიონ სკოლებში არსებული მდგომარეობა; ყველა დაწყებით, არასრულ საშუალო და საშუალო სკოლების პედაგოგიური საბჭოს სპეციალურ სხდომაზე განიხილონ საკითხი მოსწავლეთა წესების გატარების შესახებ და დასახონ სათანადო ღონისძიებანი.

ს ა დ ე ჯ ე ლ ი: აფხაზეთისა და აჭარის ასსრ განსახკომების, სამხრეთ ოსეთის ავტონომიური ოლქის, რაიონული და საქალაქო განათლების განყოფილებათა (1944 წლის 10 მარტის) რესპუბლიკური თათბირისა და საქართველოს სსრ განსახკომის კოლეჯის (1944 წლის 18 მარტის) დადგენილებანი.

საქართველოს სსრ განათლების სახალხო კომისარი **ბ. კიკნაძე**

მ ი თ ი თ ე ბ ა ნ ი

მოსწავლეთა დასჯისა და წახალისების ღონისძიებათა შესახებ

1. ზოგადი ნაწილი.

1. მოზარდი თაობის აღზრდის ამოცანათა წარმატებით განხორციელების ძირითად პირობას სკოლაში დადებითი ხასიათის მორალური ზეგავლენის სწორად გატარებული ღონისძიებანი წარმოადგენენ. მკოდნე და კულტურული, სამართლიანობისათვის მებრძოლი, სამშობლოსათვის თავდადებული, მტკიცე ნებისყოფის მქონე, გამრჯე და შრომისმოყვარე თაობის აღზრდისათვის აუცილებელია:

ა) მასწავლებელი საუკეთესოდ იყოს დაუფლებული საგანსა და მისი სწავლების მეთოდებს, მომზადებულად და თვალსაჩინოდ ატარებდეს ყოველ გაკვეთილს, იყოს დისციპლინიანი და ზუსტი, მოსწავლეებს უყენებდეს მკაცრ, მაგრამ სამართლიან მოთხოვნებს, უყვარდეს ბავშვები, გულისხმიერად ეპყრობოდეს მათ და გააჩნდეს იმის უნარი, რომ ჩაწვდეს და გაიგოს თითოეული ბავშვის ხასიათის თავისებურებანი.

ბ) მტკიცე და უცვლელი იყოს სკოლის რეჟიმი, მეცადინეობა ყოველთვის იწყებოდეს და მთავრდებოდეს დაწესებულ დროს, სკოლის ყველა მუშაკმა ზუსტად იცოდეს თავისი მოვალეობა და განუხრებლად, კეთილსინდისიერად ასრულებდეს მას, დროულად და უნაკლოდ ხორციელდებოდეს სკოლის შინაგანაწესის ყველა მუხლი.

გ) სასწავლო დისციპლინების სწავლებისას განსაკუთრებული ყუ-



რადღება ექცეოდეს აღმზრდელობით მუშაობას: სასწავლო პროგრამების
 ბით გათვალისწინებულ თითოეულ დებულებას და ფაქტს მასწავლე-
 ბელი შეგნებულად და გააზრებულად ასწავლიდეს, შესასწავლ მასა-
 ლას მოხერხებულად უკავშირებდეს ცხოვრებას, თანადროულობას და
 იყენებდეს მას საბჭოთა ადამიანებისათვის საჭირო გრძნობებისა და
 თვისებების აღზრდისათვის.

დ) სწორად იყოს მოწესრიგებული საზოგადოებრივი სასარგებლო
 შრომა, როგორც აღზრდის ერთ-ერთი მთავარი საშუალება, სათანადო
 ყურადღება ექცეოდეს ბავშვთა ნომალურად დატვირთვის საქმეს სკო-
 ლასა და ოჯახში და მოსწავლის გონებრივსა და ფიზიკურ შრომას მო-
 ხერხებულად უფარდებდნენ გართობასა და დასვენებას.

ე) სკოლასა და ოჯახს შორის დამყარებული იყოს ისეთი მტკიცე
 ურთიერთობა, რომ ოჯახი ხელს უწყობდეს სკოლას, რათა მოსწავლემ
 სკოლის მიერ მიცემული დავალებანი წესიერად, ზუსტად და დროულად
 შეასრულოს და თავისი მხრივ, სკოლა სისტემატურად ეხმარებოდეს და
 ხელმძღვანელობდეს ოჯახს იმ მიზნით, რომ შესაფერ სიმალღეზე იქნეს
 დაყენებული ბავშვის აღზრდა ოჯახში.

2. მაგრამ ისეთ სკოლაშიაც კი, სადაც მასწავლებლობა მოწოდების
 სიმალღეზე დგას და თანამიმდევრულად ხორციელდება დადებითი მო-
 რალური ხასიათის ზეგავლენის ზომები, ყოველი მოსწავლის შესაფერად
 აღზრდა მარტო სკოლის განკარგულებაში არსებული ამ დადებითი ხა-
 სიათის საშუალებებით შეუძლებელი იქნება. ამის გამო იმ მოსწავლეთა
 მიმართ, რომელთა აღზრდისათვის საკმაო არ აღმოჩნდება დადებითი
 ხასიათის ღონისძიებანი, მათი გამოსწორების მიზნით გამოყენებული
 უნდა იქნეს ამ მითითებით დაწესებული დასჯის ზომები.

II. დასჯის ზომები სკოლაში.

იმ მიზნით, რათა სასჯელმა შესაფერი შედეგი გამოიღოს, — საჭი-
 რო აღმზრდელობითი ზეგავლენა მოახდინოს მოსწავლეებზე და ნამდ-
 ვილად შეუწყოს ხელი მის გამოსწორებას, დასჯის ზომების პრაქტიკუ-
 ლად გამოყენების დროს, სკოლა ზუსტად უნდა ხელმძღვანელობდეს
 შემდეგი მთავარი პედაგოგიური პრინციპებით:

1. საბჭოთა სკოლაში დასჯა მიზნად ისახავს რა მოსწავლის გამოს-
 წორებას, დადებითი სასჯელი, როგორც მკაცრი უნდა იყოს იგი, იშგვა-

რად უნდა იქნეს გამოყენებული, რომ მოსწავლეში იწვევდეს არა რისიკებისა და სასოწარკვეთილების გრძნობას, არამედ სინანულს ჩადენილი დანაშაულის გამო და ამასთან ერთად ცამოსწორების სურვილსა და რწმენას, რომ იგი შესძლებს თავის ყოფაქცევის გაუმჯობესებას.

2. რადგან სკოლაში მოსწავლეთა მიერ ჩადენილი დანაშაული მრავალი სახით ვლინდება, სასჯელის ამომწურავი და სრულყოფილი ზომები არ შეიძლება არსებობდნენ. ამის გამო, დაუშვებელია მითითებით დაწესებული დასჯის ზომები შიმვლად, მექანიკურად იქნეს გამოყენებული.

სასჯელის დადება უნდა ხდებოდეს მოსწავლეებისადმი ინდივიდუალურად მიდგომის პრინციპის საფუძველზე, — გათვალისწინებული უნდა იქნეს: მოსწავლის ასაკი, მისი ყოფაქცევა დანაშაულის ჩადენამდე, პირველად არის ჩადენილი დანაშაული თუ მეორედ; შემთხვევითია იგი, თუ წინასწარ განზრახვის ხასიათს ატარებს; რა შედეგი მოჰყვა დანაშაულს; აქვს თუ არა ადგილი დანაშაულის აღიარებას, თუ დაფარა იგი მოსწავლემ.

ამის გარეშე დასჯა ფორმალურ ხასიათს მიიღებს და იგი მოსწავლის გამოსწორებას ხელს ვერ შეუწყობს.

3. დასჯის ზომების გამოყენებისას სკოლის დირექტორი (გამგე) მისი მოადგილენი, კლასის ხელმძღვანელები და მასწავლებლები უნდა აყენენ რა პირუთვნელნი და სამართლიანი, ამასთან ერთად განსაკუთრებული ყურადღებას უნდა აქცევენ იმას, რომ დასჯის შედეგად მოსწავლე დაცინვისა და აბუჩად ავლების ობიექტი არ გახდეს. მაგრამ ყოველგვარ სასჯელს, თუნდაც მცირესაც კი, სერიოზული მნიშვნელობა უნდა მიეცეს, რადგან სასჯელი მოსწავლეზე მხოლოდ იმ შემთხვევაში მოახდენს გავლენას, როცა იგი წინასწარ მოფიქრებულია, სამართლიანია; არა ხშირად, არამედ მხოლოდ საჭირო შემთხვევაშია გამოყენებული და თანაც სისრულეშია მოყვანილი.

4. მოსწავლის დასჯა იმგვარად უნდა ხდებოდეს, რომ თითოეული მოსწავლის მიმართ გამოყენებული სასჯელი გამაფრთხილებელ საშუალებას წარმოადგენდეს სხვა მოსწავლეებისათვის.

სასჯელის სისრულეში მოყვანის შემდეგ მისი შედეგები აუცილებლად უნდა მოწმობდეს და სასჯელდადებული მოსწავლის გამოსწორებ-



ბის ყოველი ფაქტი ფართოდ უნდა იქნეს გამოყენებული სხვა მოსწავლე-
ლეთა ყოფაქცევის გამოსწორებისათვის.

5. დირექტორი (გამგე), სასწავლო ნაწილის ქამგე, ყველა მასწავლე-
ბელი — ერთიანად, მტკიცე, ურყევ მოთხოვნებს უნდა უყენებდნენ
მოსწავლეებს.

ამასთან ერთად მოსწავლეთადმი ერთიანი მიდგომის ხაზის განუხრე-
ლად გატარებისათვის აქტიურ ღონისძიებებს უნდა ახორციელებდნენ
პედაგოგიური საბჭო და მშობელთა დამხმარე კომიტეტები.

III. დასჯის ზომები და მათი პრაქტიკულად გამოყენება.

1. მასწავლებლებსა და კლასის ხელმძღვანელებს შეუძლიათ გამოი-
ყენონ დასჯის შემდეგი ზომები:

- ა) სიტყვიერი გაფრთხილება,
 - ბ) წერილობითი გაფრთხილება (მოსწავლეთა დღიურში ან საკლასო
ჟურნალში შეტანით),
 - გ) საყვედურის გამოცხადება კლასში,
 - დ) მოსწავლის გაძევება კლასიდან, თუ ის ხელს უშლის მუშაობას
და მიცემულმა შენიშვნამ შედეგი არ გამოიღო.
- ამას გარდა, სამხედრო საგნის მასწავლებელს უფლება აქვს დისციპ-
ლინის დამრღვევ მოსწავლეებს გამოუცხადოს საყვედური წყობილე-
ბაში.

2. სკოლის სასწავლო ნაწილის გამგესა და სამხედრო ხელმძღვანელს
უფლება აქვთ გამოიყენონ დასჯის შემდეგი ზომები:

- ა) სიტყვიერი გაფრთხილება,
 - ბ) წერილობითი გაფრთხილება (მოსწავლის დღიურში ან საკლასო
ჟურნალში შეტანით),
 - გ) საყვედურის გამოცხადება კლასში,
 - ე) პირადი საყვედურის გამოცხადება,
 - ვ) მოსწავლის გაძევება კლასიდან, თუ ის ხელს უშლის მუშაობას
და მიცემულმა შენიშვნამ შედეგი არ გამოიღო.
 - ზ) გაფრთხილება სკოლიდან გარეცხვის (შესახებ).
- ამას გარდა, სამხედრო ხელმძღვანელს უფლება აქვს დისციპლინის
დამრღვევ მოსწავლეს წყობილებაში გამოუცხადოს საყვედური და ავ-

რეთვე დაუნიშნოს რიგ გარეშე გუშაგობა (იქ, სადაც ქვეშაგობა განსაზღვრულია კომის მიერ ნებადართულია) იმის მიხედვით, თუ როგორია დანაშაულის ხასიათი.

3. სკოლის დირექტორს (გამგეს) შეუძლია გამოიყენოს ქრისტიანული მემკვიდრეობის შემადგენელი ნაწილები:

- ა) სიტყვიერი გაფრთხილება,
- ბ) წერილობითი გაფრთხილება (მოსწავლის დღიურში ან საკლასო ჟურნალში შეტანით),
- გ) პირადი საყვედური,
- დ) საყვედური მოსწავლეთა კრების წინაშე,
- ე) საყვედური ბრძანებით გამოცხადებით,
- ვ) განაწესის დანიშვნა,
- ზ) ყოფაქცევის მეოთხედური შეფასების ნიშნის დაკლება (პედაგოგიური საბჭოს დადგენილებით),
- თ) გაფრთხილება სკოლიდან გამოორცილების შესახებ,
- ი) სკოლიდან გარიცხვა, როგორც უკანასკნელი ზომა, რაც პედაგოგიური საბჭოს დადგენილებისა და განათლების განყოფილების დასტურის შემდეგ შედის ძალაში.

4. სასჯელის ზევით დასახელებულ ზომებთან ერთად, სკოლას უფლება აქვს გამოიყენოს აგრეთვე ისეთი ზომებიც, როგორც არის, — მოსწავლეთა მშობლის გამოძახება სკოლაში, მოსწავლის დატოვება გაკვეთილების შემდეგ სკოლაში სასწავლო დავალებათა შესასრულებლად, მოსწავლის გადაყვანა სხვა, პარალელურ კლასში, მოსწავლის გადაყვანა სხვა სკოლაში.

ეს ზომები შემდეგი წესით უნდა იქნეს განხორციელებული:

- ა) სწავლაში მოსწავლის ჩამორჩენისა და დისციპლინის დარღვევის შემთხვევაში გაფრთხილების მიზნით სკოლაში მშობლის გამოძახების უფლება აქვთ სასწავლო ნაწილის გამგეს, სამხედრო ხელმძღვანელსა და კლასის ხელმძღვანელს; სკოლაში მშობლის გამოძახების საკითხი შეთანხმებული უნდა იქნეს დირექტორთან (გამგესთან).
- ბ) იმ საშინაო დავალების შესასრულებლად, რომელიც მზად არ ჰქონდა მოსწავლეს გაკვეთილზე, დირექტორთან ან სასწავლო ნაწილის გამგესთან შეთანხმებით, კლასის ხელმძღვანელს უფლება აქვს გაკვეთილების დამთავრების შემდეგ სკოლაში დასტოვოს მე-3 და მე-4 კლასის



მოსწავლე არა უმეტეს ერთი საათის ვადით, ხოლო მე-5—10 მოსწავლე არაუმეტეს ორი საათის ვადით; გაკვეთილების შემდეგ კლასში მოსწავლის დატოვება მხოლოდ იმ შემთხვევაში უნდა იქნეს ნებადართული, როცა არსებობს საშუალება მოსწავლესთან ერთად სკოლაში მასწავლებელიც იყოს და მეთვალყურეობა გაუწიოს მას დავალების შესრულებაში.

გ) მოსწავლის პარალელურ კლასში გადაყვანა მხოლოდ იმ შემთხვევაში შეიძლება იქნეს დაშვებული, თუ ეს ნამდვილად შეუწყობა ხელს მის გამოსწორებას; მოსწავლის პარალელურ კლასში გადაყვანა სწარმოებს დირექტორის (გამგის) ბრძანებით პედაგოგიური საბჭოს დადგენილების საფუძველზე.

დ) აკვარადვე, სხვა სკოლაში მოსწავლე მხოლოდ იმ შემთხვევაში უნდა იქნეს გადაყვანილი, როცა საკმაო საფუძველი არსებობს, რომ ეს ზომა მოსწავლეს გამოასწორებს; სხვა სკოლაში მოსწავლის გადაყვანა ხდება პედაგოგიური საბჭოს სპეციალური დადგენილების საფუძველზე, რომელიც ძალაში შედის ქალაქისა და რაიონის განათლების განყოფილების, ს. თბილისში კი მხოლოდ საქალაქო განათლების განყოფილების, დასტურის შემდეგ.

5. დასჯის ზომა უნდა შეესაბამებოდეს ჩადენილ დანაშაულის სიმძიმეს:

ა) გაკვეთილზე უყურადღებობისა, გარეშე საუბრებისა, ტანსაცმლის უსუფთაობისა, თავისი ნივთების დაუდევრად მოხმარისა და სხვა მსგავს შემთხვევებში, — როცა ეს დანაშაული პირველადაა ჩადენილი, — საკმარისია მოსწავლეს მიეცეს უბრალო შენიშვნა.

ბ) არასაპატიო მიზეზით გაკვეთილის გამოტოვებისა, სასწავლო ნივთების გაფუჭებისა, გაკვეთილზე ხშირი დაგვიანებისა და სხვა მსგავს შემთხვევებში მოსწავლეს შეიძლება გამოეცხადოს საყვედური.

გ) მეცადინეობიდან უნებართვოდ წასვლისა, სასწავლო ქონების გაფუჭებისა, უფროსებისადმი უხეში დამოკიდებულებისა და სხვა მსგავსი დანაშაულის ჩამდენი მოსწავლის საკითხი განხილული უნდა იქნეს პედაგოგიური საბჭოს სწდომაზე და შეიძლება მას დაეწიოს შეფასების ნიშანი ყოფაქცევაში.

დ) სკოლის ადმინისტრაციის ან მასწავლებლის განკარგულებათა სისტემატური დარღვევისა, უფროსების აბუჩად აგდებისა და სუსტების

დაცონისათვის, დასაშვებია მაშინვე იქნეს მიღებული ისეთი ზომა, როგორცაა — გაფრთხილება სკოლიდან გარიცხვის შესახებ, და მოსწავლე არ გამოსწორდა, — სკოლიდან გარიცხვაც კი.

ე) ისეთი დანაშაულის ჩადენისათვის, როგორცაა — მოსწავლის მიერ მაგარი სსსმელების სმა და სკოლაში არაფხიზელ მდგომარეობაში გამოცხადება, იმავეთვე შეიძლება გამოყენებული იქნეს სასჯელის უმაღლესი ზომა, — სკოლიდან გარიცხვა.

ვ) პედაგოგიური პერსონალის შეურაცყოფისა და ხულიგნური მოქმედებისათვის: ბავშვების ცემა, უზრდელად მოქმედება ქუჩაში და საზოგადოებრივ ადგილებში, — რაც შეურაცყოფს საბჭოთა სკოლის ღირსებას, საზოგადოებრივი ქონების ბოროტი განზრახვით გაფუჭებისა ან მტაცებლობისათვის, მოსწავლის სკოლიდან გარიცხვის ზომა უნდა იქნეს გამოყენებული.

6. იმ შემთხვევაში, როცა ეს მოსახერხებელია და სათანადო შედეგებსაც იძლევა, სასურველია, გამოყენებული იქნეს დასჯის ასეთი ზომები: მორაგებობის ცუდად შესრულებისათვის — მოსწავლეთათვის საზოგადოებრივი დავალებების შესრულების უფლების დროებით ჩამორთმევა; საშინაო დავალებათა შეუსრულებლობისათვის — გაკვეთილების შემდეგ სკოლაში დატოვება ამ დავალებათა შესასრულებლად; დასვრა-დანაგვიანებისათვის — დასუფთავება (თვით ამ მოსწავლის მიერ). სასკოლო მოწყობილობის გაფუჭებისათვის — მისი შეკეთება საკუთარი ძალით ან მატერიალური ზარალის ანაზღაურებით და ა. შ.

7. მოსწავლის ყოფაქცევის შეფასება სწარმოებს ნიშნებით: 5, 4 და 3. ნიშნის დაკლება ყოფაქცევაში წარმოადგენს მკაცრ სასჯელს და ხდება მხოლოდ პედაგოგიური საბჭოს დადგენილებით; ნიშანი იწერება წარმატების საღარიცხო ფურცელში, რომელიც მოსწავლეს ეძლევა ყოველი მეოთხედის დამთავრებისას.

ყოფაქცევის ნიშნის დაკლება 3-მდე წარმოადგენს მოსწავლის უკანასკნელ გაფრთხილებას, რომ ის გარიცხული იქნება სკოლიდან, თუ გარკვეული დროის განმავლობაში არ გამოასწორებს თავის ნიშანს ყოფაქცევაში.

გამოუსწორებლობის შემთხვევაში მოსწავლის სკოლაში დატოვების შესაძლებლობის საკითხს იხილავს პედაგოგიური საბჭო. მოსწავლეს

სკოლიდან გარიცხვისას ეწერება ყოფაქცევაში ნიშანი 2, და ირიცხება სკოლიდან.

პედსაბჭოს დადგენილებას მოსწავლის სკოლიდან გარიცხვის შესახებ ამტკიცებს რაიონის (ქალაქის) განათლების განყოფილება.

8. ისეთი დანაშაულის შესახებ, რაც ატარებს კანონის დარღვევის ხასიათს და ისევე სასამართლოს წესით, თუ დანაშაული ჩადენილია მოსწავლის მიერ 12 წლის ასაკის ზევით, უნდა ეცნობოს სამოქალაქო ხელისუფლების ორგანოებს.

9. ერთი დანაშაულისათვის გამოყენებული უნდა იქნეს დისციპლინალური სასჯელის მხოლოდ ერთი ზომა, ერთი და იგივე გამეორებულ დანაშაულისათვის სასჯელი მატულობს. თუ მოსწავლე უნდა დაისაჯოს რამდენიმე დანაშაულისათვის, სასჯელი ზომა იქნება ერთი, მაგრამ მისი ხარისხი უნდა იყოს შეფარდებული მთლიანად აღებულ ყველა დანაშაულის სიმძიმესთან.

10. სკოლის დირექტორს (გამგეს) უფლება აქვს გაადიდოს სასჯელის ზომა—დადებული მოსწავლეზე მასწავლებლის ან სკოლის სხვა მუშაკის მიერ; დირექტორს (გამგეს) მოსწავლის გამოსწორების შექონხვევაში უფლება აქვს მოხსნას მას დადებული სასჯელი და ამის შესახებ სათანადო აღნიშვნა შეიტანოს მოსწავლის პირად საქმეში.

11. სასჯელის მკაცრი ზომების შესახებ მოსწავლის პირად საქმეში სისტემატურად უნდა იქნეს შეტანილი სათანადო აღნიშვნა. მოსწავლას პირად საქმეში წარმოებული ჩანაწერები მხედველობაში უნდა იქნეს მიღებული მოსწავლის დახასიათების შედგენისას ყოველი სასწავლო წლის ბოლოს, მოსწავლის გამოშვებისას და აგრეთვე მისი სხვა სკოლაში გადაყვანისას.

12. სკოლის ადმინისტრაცია ვალდებულია დროულად ეცნობოს მშობლებს ან მათ შემცვლელ პირებს მოსწავლის ყოფაქცევის შესახებ, აუწყოს მნიშვნელოვანი სასჯელის დადების ფაქტების შესახებ და გააფრთხილოს ისინი, რომ სკოლა მიიღებს მოსწავლის მიმართ მკაცრ ზომებს (ნიშნის დაკლება ყოფაქცევაში, გაფრთხილება სკოლიდან გარიცხვის შესახებ, სკოლიდან გარიცხვა), თუ იგი არ გამოსწორდება.

IV. წახალისების ზომები და მათი პრაქტიკულად გამოყენება.

1. წახალისების ზომები წარმოადგენენ პედაგოგიური ზეგავლენის ერთ-ერთ მნიშვნელოვან საშუალებას. მოფიქრებითა და სწორად გამო-

ყენებული წახალისება და ქება, როგორც აღზრდის ზომა, აღვივებს სწავლისადმი ინტერესს, აძლიერებს მოსწავლის პასუხისმგებლობას, მტებს ძალას ბავშვს კიდევ უფრო უკეთ ისწავლოს და სანიმუშო ყოფაქცევის მოსწავლე გახდეს.

2. წახალისების საფუძველზე მოსწავლისათვის მიცემული ჯილდო უნდა წარმოადგენდეს მოსწავლის კარგი ყოფაქცევისა და სკოლაში ბეჭითობის აღნიშვნის საშუალებას და არა მასწავლებლებისა და ადმინისტრაციის მიერ წინასწარ დაწესებულ პირობას: კარგად ისწავლი, კარგი ყოფაქცევისა იქნები — ჯილდოს მიიღებ.

3. წახალისება იმ შემთხვევაში მოგვცემს სასურველ შედეგს, როცა იგი გამოყენებულია არა უმნიშვნელო საბაბით, წარმოადგენს არა გაუმართლებელი გულუხვობის შედეგს, არამედ როცა მოსწავლე ნამდვილად დაიმსახურებს მას და ეს სამართლიანი, დამსახურებული ქება და წახალისება სხვებშიაც აღძრავს ამ მოსწავლისადმი მიბაძვის სურვილს.

4. წახალისების ზომები იმგვარად უნდა იქნეს გამოყენებული, რომ ცალკე მოსწავლის წახალისება სხვა მოსწავლეებშიაც აღვივებდეს სურვილს გახდნენ დაჯილდოებისა და ქების ღირსი და არ იწვევდეს მათში შურსა და წახალისებისადმი (გულგრილ დამოკიდებულებას.

5. სწავლაში საქუკეთესო წარმატებისა, ყოფაქცევისა და საზოგადოებრივ დავალებათა სანიმუშოდ შესრულებისათვის თითოეული მოსწავლისა და მოსწავლეთა კოლექტივების მიმართ შეიძლება გამოყენებული იქნეს წახალისების შემდეგი ზომები:

ა) მასწავლებელი, ქლასის ხელმძღვანელი და სასწავლო ნაწილის გამგე იყენებენ წახალისების ისეთ ზომებს, როგორიცაა — ქება მთელი კლასის წინაშე, დისციპლინარული სასჯელის შონსნა (რომელიც მათ მიერვე ჰქონდა დადებული მოსწავლეს ან მოსწავლეთა კოლექტივს) და მოსწავლისათვის პასუხისაგები დავალების მიცემა.

სამხედრო ხელმძღვანელებსა და სამხედრო მასწავლებლებს, გარდა ამისა, შეუძლიათ მადლობა გამოუცხადონ მოსწავლეს წყობილების წინაშე.

ბ) სკოლის დირექტორი (გამგე) იყენებს წახალისების ისეთ ზომებს, როგორიცაა — ქებისა და მადლობის გამოცხადება კოლექტივის წინა-

014
49-38
შე; ქებისა და მადლობის გამოცხადება ბრძანებით, ფასული ნივთიერ
წიგნით ან მოსწავლისათვის სასრგებლო ნივთით, თეატრის ბილეთით,
ექსკურსიის საგზურით და ა. შ.); იმ მოსწავლეთა დასაჩუქრებას ქების
სიგელით (პედაგოგიური საბჭოს დადგენილების საფუძველზე), რომ-
ლებმაც სასწავლო წელი დაასრულეს საუკეთესო წარმატებითა და წარ-
ჩინებული ყოფაქცევით.

6. მოსწავლეთა კოლექტივების მიმართ გამოყენებული უნდა იქნეს
წახალისების შემდეგი ზომები:

ა) მოწონება, ქება პედაგოგიურ საბოჭს სხდომაზე, საზოგადო კრე-
შაზე, მშობელთა კრებაზე, სკოლის დირექტორის სათანადო ბრძანება.

ბ) კლასის, წრის დაჯილდოება (პედაგოგიური საბჭოს დადგენილე-
ბით), საჩუქრებით (თეატრებისა და კინოების ბილეთებით, ექსკურსიის
საგზურებით და ა. შ.).

7. წახალისება ქების სახით შეიძლება გამოყენებული იქნეს იმ შემ-
თხვევაშიაც, როცა მოსწავლეს ჯერ კიდევ არ მიუღწევია საუკეთესო
წარმატებისათვის, მაგრამ იჩენს დიდსა და გულწრფელ სურვილსა და
ცდას გახდეს წარჩინებული.

8. მოსწავლის წახალისების ყველა მნიშვნელოვანი ფაქტი აღინიშ-
ნება მოსწავლის პირად საქმეში და ამის შესახებ ეცნობება მოსწავლის
მშობლებს ან მათ შემცვლელ პირებს. ამასთანავე წახალისების შესახებ
პირად საქმეში შეტანილი ფაქტები მხედველობაში უნდა იქნეს მიღე-
ბული მოსწავლის დახასიათების შედგენისას.

ეს მითითებანი მოწონებულია აფხაზეთისა და აჭარის ასრ განსახკომების, სამხ-
რეთ-ოსეთის ავტონომიური ოლქის, რაიონული და საქალაქო განათლების განყოფი-
ლებათა გამგეების 1944 წ. 10/III კის რესპუბლიკური თათბირის მიერ და დამტკი-
ფებულია საქართველოს სსრ განსახკომის კოლეგიის 1944 წლის 18 მარტის სხდომაზე.

**საქართველოს სსრ განსახკომის დაწყებითი
და საშუალო სკოლის სამმართველოს უფროსი უშ. ობოლაძე**

პ/მგ. გამოშვებისათვის უშ. ობოლაძე

ხელმოწერილია დასაბეჭდად 22/III-44. უშ 01171, შეკვეთის № 508, ტირაჟი 3000.

საქ. სსრ სსხელმწიფო გამომცემლობის სტამბა, ქ. თბილისი, ორჯონიკიძის ქ., № 50.

